

重刻鳳陽縣志序

甚矣邑志宜存其舊也自通志開局蒼萃各屬新舊志以供蒐採而各屬新志之修必以舊志爲張本無舊志者從事較難鳳陽之有志久矣兵燹以來板經燬失書亦鮮存張魏所修鳳臨分志旣不可得

鳳陽縣志

序

袁修之鳳陽新書亦物色渺然

泰

於辛未歲謬膺卓薦癸酉春北上公車旋省乃由黟縣調繁于斯邑下車伊始詢求邑乘則惟于君最後所修者一部存焉篇帙殘缺不堪翻閱餽羊碩果愛護逾恆蓋淮南北自古戰地滄桑變換與世推



移古事不知非志莫考而邑志自  
乾隆四十年以後失修者百有餘  
年咸同間髮捻交侵蹂躪尤甚忠  
義節孝胥待闡揚當此耆舊幸存  
見聞較確續行編纂尙易成書若  
歲序遷流老成凋謝雖殷勤採訪  
遺漏必多 泰前修黟縣三志旣序

鳳陽縣志

序

二

而刊之茲于鳳志方謀續修以表  
幽潛則舊志一編實資考鏡設斷  
爛不可收拾鮮所依據難于從事  
矣猶憶咸豐庚申辛酉間從戎濠  
上當時壁壘星羅戈矛林立至今  
僅十數年臨舊地訪遺蹤已覺依  
稀仿佛况昔日睹聞所及高堂華

屋鱗次櫛比今易而荒涼者有之  
蔓草寒烟樵探牧游今忽成繁盛  
者有之苟非于君此書尚在無論  
于莫鑄劍莊惠觀魚往古陳迹無  
從按籍而稽卽明代舊陵龍興古  
刹翁仲鼎廩半就摧殘晚樹斜陽  
徒深憑弔吁他可知已今幸得撫

鳳陽縣志

序

三

卷披覽古跡堪尋卽昔人遺韻流  
風亦班班可考誠續修者一軌範  
也使不亟爲重刊恐字跡漫滅文  
獻難徵雖欲追步前賢綴輯時事  
無所做傲鮮克成功爰鳩手民重  
新付梓以廣流傳公餘之暇親加  
讐校客冬十月已強半就緒而秦

適奉調省差委恐遂中輟攜赴省垣俾終厥事越兩月居然告蕝聊書數語以爲新志之引端

肯

光緒二年歲次丙子六月穀旦同知銜知鳳陽縣事卓異候陞加三級紀錄五次盧龍講永

志

序

四

泰撰

鳳陽縣續志序

同治甲戌冬余調任鳳陽邑紳壽春總鎮郭善臣軍門以續修邑志見屬先倡捐重刊舊志余既序而行之矣迺與眾紳謀設局郡城分鄉採訪越明年稿成適余調署太和局紳函祈刪訂并索弁言余維刊舊續新諸君子不我遐棄俾得始終其事例宜撮舉大意冠諸簡端以告來者原夫邑志失修自乾隆四十年以後迄今已及百年懿行芳徽失傳不少迨咸同間髮捻交訌鳳陽實當兵衝故郡縣兩城失陷鄉野摧殘以致成者毀存者亡雖

鳳陽縣續志

卷首序

一

遺老確有見聞欲搜採而編葺之僅得什一於千百烏能步武前志哉第觀古人著書立說每取大者遠者續志亦然夫成毀存亡聽諸氣數獨此忠義節烈卓卓天壤間者足勵人心而挽風俗終古不磨憶昔臨淮駐師扼逆吭而拊其背而城鄉團練竭力捍禦者雖肝腦塗地無悔焉甚至婦人女子殉節捐軀亦比比皆是此續志踵舊志而成而所載忠義節烈之人較他門類爲尤夥於以見我國家二百餘年深仁厚澤浹民心超越往古故官軍民練卒能力持大局以底肅清統兵者承

睿謨握勝算固建不世之功然非民心堅固未易言也  
善臣軍門久歷戎行身經百戰仕宦不出桑梓之  
鄉凡有犯鋒鏑膏原野者與在局諸紳皆所目睹  
不忍忠魂毅魄埋沒九原亟思筆之於書流傳永  
久以激發人心而昭明

德化誠有見於此也雖或不免遺漏而此大者遠者開  
卷瞭然爭光日月其於世道人心所裨豈淺鮮哉  
先是函致筮仕外省諸君無不鶴俸慨分先睹爲  
快嗣因經費告匱久未成書幸觀察 任公去任  
之時捐助刻費不足又有陞任觀察 高公繼之

鳳陽縣續志

卷首

序

二

余欣其通觀厥成也爰重加商榷付諸手民爲序  
其顛末如此

峇

光緒十有三年歲次丁亥三月穀旦同知銜卸任  
鳳陽縣知縣卓異候陞加十級紀錄五次廬  
龍謝永泰撰

鳳陽縣修誌姓氏

監定

分巡鳳廬穎等處兵備道兼理鳳陽府鈔關棟 文 滿洲鑲黃

鳳陽府知府卓異侯 陞狄咏箎 江蘇溧陽

鳳陽府知府福保 滿洲鑲紅

鳳陽府同知鄭寅谷 浙江錢塘

鳳陽府通判福舒 滿洲王紅

纂修

鳳陽縣知縣于萬培 廣西桂林

協理

鳳陽縣誌 卷之一

鳳陽府教授施潤 江蘇上海

鳳陽府訓導葉華坦 江蘇吳縣

鳳陽縣教諭蔣之菘 江蘇江都

臨淮鄉訓導潘景瓚 江蘇通州

鳳陽府經歷沈甯仁 浙江山陰

鳳陽府司獄候選通判陳廷機 浙江山陰

鳳陽縣丞勵守泰 直隸靜海

鳳陽縣主簿張炳 浙江錢塘

臨淮鎮巡檢胡昌曉 浙江鎮海

鳳陽縣典史何仕昂 順天東安



原編纂

原任鳳陽縣知縣

貢震

江蘇江陰人拔貢

原任鳳陽縣知縣

孫維龍

順天大興人進士

續纂

吳之員

邑舉人

柳濬

邑恩貢

郭永清

邑職員

莊瑁

邑增生

程大緒

邑廩生

劉俊

邑廩生

鳳陽縣誌

卷之一

二

採輯

褚書

邑舉人恩賜翰林檢討

何燧

邑進士歷任衡水武清懷安知縣

蔡蓮仙

邑庠生

吳大勳

邑庠生

分輯

王之言

邑庠生

王宥

邑庠生

劉光斗

邑庠生

徐猷

邑庠生

汪淮 邑庠生

陳登瀛 邑庠生

高捷 邑增生

朱冠統 邑監生

方元吉 邑庠生

劉璣 邑庠生

李玉軸 邑庠生

趙聖瞻 邑監生

郭梅 邑監生

督梓

鳳陽縣誌

卷之一

三

何起文 邑典史

鳳陽縣續志姓氏

總修

賞戴藍翎同知銜鳳陽縣知縣卓異加一級謝永泰

協修

賞戴藍翎五品銜鳳陽縣縣丞馮焯

欽加內閣中書銜鳳陽縣教諭卓異候陞周思炯

教諭銜臨淮鄉訓導汪志經

監刻

鳳陽縣典史吳燦

賞戴藍翎五品銜署鳳陽縣典史邵廷杰

鳳陽縣續志

卷首

姓氏

一

纂修繕校經理繪圖採訪各姓名

王汝琛 田端書 李鴻烈 陳允升

柳增榮 郭守民 高雲鴻 刁餘坤

余紹靖 程德儼 劉煜廷 郭潤生

胡乃孚 郭法泰 李克紹 萬灃

朱壽鼎 王峴嶸 王恩銘 何際泰

楊廷楨 趙學曾 陸寶珍 田綸章

王芝瑞 蔡以衡 金紹伊 詹文林

吳炳章 俞煥章 張藍生 李楨

唐際盛 王廷杰 胡仲森 熊良鈺

馮敬熙	程毓森	郭登雲	孫紹衣
彭爾昌	張志純	湯彭齡	朱琴軒
姚定成	傅學乾	袁繡圖	牛春田
吳經榮	亢中鉅	柳鑑	趙振聲
侍元三	李藝林	李永清	郭汝淵
盛渤	張潮	劉煥章	劉開勳
陳鑫	陳鼎書	劉佩銀	牛佩鑫
朱學濂	賈錦江	胡子垚	原燮鼎
俞錫疇	郭登賢	刁世綸	朱方燄

新修鳳陽縣誌序

國有史邑有誌族有譜三者並立而邑誌兼之誠吏治之一助也鳳邑古鍾離地邑中山以百數經以東西二濠北控長淮爲歷代耕戰地明興賜湯沐邑又徙江南民十四萬以實之體制尤鉅終經寇燹傾圮盡矣

聖朝仍明舊制休養生息乾隆十九年併臨淮縣地幾倍之蓋延袤百四十餘里稱附郭大邑鳳之有誌始明邑令張鳳翔及萬嗣達袁文新重修臨淮誌始明邑教諭歐陽燧康熙初邑令魏宗衡繼作張

鳳陽縣誌

序

萬舊稿無存袁書創立體例亦其時則然未可爲式歐陽魏書雖存邑旣歸併未應單行總計二誌闕修多且百四十年少亦八十餘年事蹟人物積久益湮于君之作不可已矣余膺

簡命校士安省頻年舟溯清潁達淮流陸經紅心抵滁陽所見枕山帶河率多平田曠野可耕可藝然非潦卽旱相繼見告

聖主軫念貧黎議蠲議賑無歲無之將母地勢固然歟抑民力有未盡而守土吏或利導疏歟考之前明袁邑令行區田法

本朝武邑令濬獨山新河咸著有成效誠推而廣之  
如召翁卿之立均水龔少卿之勸農桑兼以劉榮  
祖之清第五仲謀之惠又安在地利不可以興民  
生不可以裕歟于君爲政而留心掌故於水泉陂  
障考核尤詳其將推而行之也乎夫事莫難於創  
著書亦然于君以誌稿請正於余余以校士少暇  
舟次略加點勘還之不能詳也後有作者因而修  
之其以是書爲草創也可

乾隆乙未仲冬安徽督學使者秦潮譔



新修鳳陽縣誌序

紀載之體昉於夏書至周官而大備其中天文地理山川土田秩官典禮以及風謠物產無所不詳而自虞典以外不多見激揚臧否者政操於上則教成於下也自世風漸遠春秋作而善惡明於是後之作史者併承其意而傳誌斯合於紀載之中所以存一代之典章著一王之賞罰者也然考春秋以前列國固已自有其史所以孔子適周得百四十國寶書於柱下而觀之及春秋既作老聃竈觚而聽之毋惑乎漢唐以來郡國誌所不容已

鳳陽縣誌

序

三

也蓋自封建易爲郡邑而釐國憲者勢不能不詢於外方今之邑誌猶郡國志之遺也會邑誌爲郡誌則一郡之事明會郡誌爲省誌則一省之事明是故邇人之所採太史之所陳罔不權輿於邑誌之中然則邑誌之作其所繫者綦重矣豈可苟焉而已哉鳳陽爲鍾離舊壤踞淮淝之表扼南北之衝自秦漢以來躡爲戎馬之場者不可殫述至我朝休養生息迄今百三十餘年而向爲亡明流寇之所傷者猶未能盡復其舊村墟遼邈水旱頻仍苟非

聖天子軫卹再三賑貸之施動輒百萬而生茲土者其  
何以得免於溝瘠也予於辛卯冬奉  
大憲委查災務屬目憂心旋膺

簡命調守是邦益惴惴焉惟恐不勝其任也視篆之日  
卽索觀郡誌將以詳求興利除弊禦災捍患之所  
宜而吏白以無有及詢諸縉紳之家蓋未經修輯  
者已垂及百年嗟乎文獻不足卽孔子有無可徵  
者况其爲勞勞官守也哉會邑首于侯賡新修縣  
誌藁十六卷請序於予予亟展讀之蓋前令江陰  
貢君宛平孫君相繼續成者意以鳳陽爲邑後於

鳳陽縣誌

序

四

臨淮今臨淮旣併於鳳陽而鳳陽兼有今昔之異  
故視諸舊誌體例稍更然其中尙有不盡愜其宜  
者適予叨副

計典方循例朝

京師歸時復值水災比歲以來未有甯晷至於甲午莫  
春始得於治事之餘勉加釐正俾成完書還之于  
侯以付諸剞劂嗚呼自封建變爲郡邑其與民共  
休戚者莫先於守令而令其才近者也

國家懸治法於上而邑令權之曰律曰例曰會典曰  
賦役全書何在非莅官之左券而父母一邦者必

先考之於誌何也禮曰入境問禁入國問俗凡其  
便於民者卽爲利凡其不便於民者卽爲害非就  
其地而察之曷由而知好惡之所在非就其誌而  
考之又幾何不爲吏胥之所惑哉至於紀廢興覈  
名實皆所以彰盛衰之由樹風教之標然則邑誌  
之所書自邑大夫以上皆當有以審察之而邑大  
夫爲親民之尤切者誠不可不一一詳求其故矣  
貢君爲江陰名宿宛平孫君今已著節於西陲而  
于侯才行卓然方不欲以俗吏自安吾知其守是  
編以保民其因地制宜必有盡心於

鳳陽縣誌

序

五

國家成憲之外者予方謀修郡誌而喜其邑誌之先  
成也因弁數語以引其端

皆

乾隆三十九年歲次甲午仲秋月上澣之吉

賜進士出身朝議大夫知江南鳳陽府

卓異候陞前知江南甯國府安慶府直隸正定府事前

翰林院庶吉士加五級溧陽狄咏篋撰

新修鳳陽縣誌序

鳳陽古鍾離國漢晉後屢建州郡控轄衝要爲淮南重鎮迨明太祖崛起遂置湯沐一時稱盛今故址遺風猶班班可考

國初因明之舊設鳳陽臨淮兩縣臨淮城瀕淮水屢被水患乾隆十九年以總督鄂剛烈公之請裁併鳳陽地廣民貧役煩政劇又屢遇災歉蠲賑頻施寄斯邑者非考舊章諮故實因地制宜將何以爲治壬辰冬初萬培自池陽恭奉

簡命調蒞茲土下車之始首權邑乘惟臨淮誌修於庚

鳳陽縣誌

序

六

熙十一年知縣魏宗衡而鳳陽縣誌則創於明萬曆間知縣張雲翔嗣天啟初袁文新作鳳陽新書畧具梗槩迄今百餘年來無有修者其間文獻之存缺風氣之推遷時政之因革人物之繼起今日得之傳聞幸有所考證者若再數十年恐散失而無所據依矣於是公餘之暇急意搜羅將有事於修纂嗣聞宛平孫君勗堂先得余心與前任江陰貢君文菴網羅放軼討論探輯薈萃成編惜未竣事而去爰訪其遺稿輒不嫌因人成事缺者補之譌者正之虛文酌汰之時事隨增之非敢謂釐訂